

**MINISTARSTVO ZDRAVSTVA
ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 3. 16. i 23. stav 1. tačka e) Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Sl. novine Zeničko-dobojskog kantona broj: 4/15, 7/15 i 11/16) u postupku izbora i imenovanja predsjednika i članova Upravnog odbora JU Zavod za medicinu rada i sportsku medicinu Zeničko-dobojskog kantona, Ministarstvo zdravstva Zeničko-dobojskog kantona objavljuje

JAVNI OGLAS

za izbor i imenovanje predsjednika i članova Upravnog odbora JU Zavod za medicinu rada i sportsku medicinu Zeničko-dobojskog kantona

Objavljuje se javni oglas za izbor i imenovanje predsjednika i članova Upravnog odbora JU Zavod za medicinu rada i sportsku medicinu Zeničko-dobojskog kantona.

Upravni odbor ima 5 članova i čine ga predstavnici:

- osnivača 3 (tri) člana, od kojih jedan mora biti predstavnik Ministarstva zdravstva Zeničko-dobojskog kantona,
- stručnih radnika zdravstvene ustanove 2 (dva) člana, od kojih jedan mora biti iz reda zdravstvenih radnika.

Mandat Upravnog odbora JU Zavod za medicinu rada i sportsku medicinu Zeničko-dobojskog kantona, traje 4 (četiri) godine, uz mogućnost ponovnog imenovanja.

Predsjedniku i članovima Upravnog odbora JU Zavod za medicinu rada i sportsku medicinu Zeničko-dobojskog kantona pripada naknada za rad u Upravnom odboru u skladu sa aktom osnivača.

Opis pozicije

Djelokrug rada upravnog odbora propisan je članom 65. Zakona o zdravstvenoj zaštiti („Sl. novine FBiH“, broj: 46/10 i 75/13).

Upravni odbor donosi statut, imenuje i razrješava direktora, odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, donosi opće akte o unutrašnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog statutom zdravstvene ustanove, odgovara osnivaču za rezultate rada zdravstvene ustanove, odlučuje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju zdravstvene ustanove i vrši druge poslove u skladu sa zakonom i statutom zdravstvene ustanove.

Kandidati za imenovanje na poziciju predsjednika i članova Upravnog odbora JU Zavod za medicinu rada i sportsku medicinu Zeničko-dobojskog kantona obavezni su ispunjavati opće i posebne uvjete.

Opći uvjeti za imenovanje

Kandidat za imenovanje u Upravni odbor obavezan je ispunjavati sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije obuhvaćen članom IX stav 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08),
7. da nema privatni i/ili finansijski interes u zdravstvenoj ustanovi u čiji se upravni odbor kandiduje,
8. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne,
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uvjeti za imenovanje

Kandidat za imenovanje u Upravni odbor obavezan je ispunjavati sljedeće posebne uvjete:

1. VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja ekonomskog, pravnog ili zdravstvenog smjera za člana Upravnog odbora predstavnika osnivača i kantonalnog ministarstva, a za člana Upravnog odbora predstavnika stručnih radnika zdravstvene ustanove VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
2. najmanje 5 godina radnog iskustva u struci,
3. da nije član nadzornog odbora ili upravnog odbora, odnosno odbora za reviziju u više od jednog privrednog društva,
4. komunikacijske i organizatorske sposobnosti,
5. sposobnost tumačenja ekonomskih, tehnoloških i pravnih analiza i propisa
6. rezultati rada ostvareni tokom poslovne karijere posebno u oblasti zdravstva i zdravstvenog osiguranja.

Potrebni dokumenti

Prijave kandidata na javni oglas treba da sadrže: kraću biografiju, adresu i kontakt telefon i naznaku:

- iz kojeg reda predstavnika se kandidat prijavljuje (predstavnik osnivača, predstavnik ministarstva zdravstva, predstavnik zdravstvene ustanove) i
- na koju poziciju u Upravnom odboru se kandidat prijavljuje (predsjednik, član).

Uz prijavu na javni oglas kandidati trebaju dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. diplomu,
2. uvjerenje o državljanstvu ne starije od 6 mjeseci ili ovjerenu kopiju lične karte,
3. dokaz o radnom iskustvu na poslovima svog stručnog zvanja,
4. ovjerenu izjavu kandidata iz tačke 3. 4. 5. 6. i 7. „Općih uvjeta za imenovanje“ i tačke 3. „Posebnih uvjeta za imenovanje“.
5. uvjerenje da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri, izdato od nadležnog općinskog suda prema mjestu prebivališta kandidata.

Dokaz da kandidat nije osuđivan za krivično djelo, nespojivo sa imenovanjem na poziciju člana Upravnog odbora JU Zavod za medicinu rada i sportsku medicinu Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne (tačka 8. „Općih uvjeta za imenovanje“), Ministarstvo zdravstva će zatražiti od kandidata kojeg ministrica zdravstva predloži za konačno imenovanje.

Sa kandidatima koji uđu u užu izbor komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o njihovom dosadašnjem radu i obavezni su popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U skladu sa članom 16. Zakona o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje.

Prigovor se podnosi Ministarstvu zdravstva u roku od sedam (7) dana od dana dostavljanja obavijesti kandidatu o izvršenom konačnom imenovanju, a kopija prigovora se dostavlja Ombudsmenu za ljudska prava Bosne i Hercegovine.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojski kanton – Ministarstvo zdravstva, Kučukovići br. 2. 72000 Zenica, sa naznakom: **„PRIJAVA NA JAVNI OGLAS ZA IZBOR I IMENOVANJE NA POZICIJU PREDSJEDNIKA I ČLANOVA UPRAVNOG ODBORA JU ZAVOD ZA MEDICINU RADA I SPORTSKU MEDICINU ZENIČKO-DOBOJSKOG KANTONA – NE OTVARATI“**

Javni oglas će biti objavljen na službenoj web. stranici Zeničko-dobojskog kantona, dnevnom listu „Dnevni avaz“ i „Službenim novinama Federacije Bosne i Hercegovine“.

Rok podnošenja prijava na javni oglas je 15 dana i počinje teći narednog dana od dana objavljivanja javnog oglasa u „Službenim novinama Federacije Bosne i Hercegovine“.

Neblagovremene i nepotpune prijave će biti odbačene.